



**HORATII TVRSELLINI || ROMANI || E SOCIETATE IESV ||  
LAVRETANAЕ HISTORIAE || LIBRI QVINQVE. ||**

**Torsellini, Orazio**

**Romae, 1597**

Cap. 2. Iacobus Fra[n]ciscanus ab insanabili morbo, & Dæmonum  
oppugnatione liberatur.

---

[urn:nbn:de:hbz:466:1-64112](https://nbn-resolving.de/urn:nbn:de:hbz:466:1-64112)

Pauli II. be  
neficia.

*STRA EXPERTI SVMVS, ex diuersis mundi  
partibus confluere, & quæ sequuntur. Indulgentijs porrò  
singulares immunitates adiecit. Quippe Lauretanam  
Aedem vna cum ministris, cæterisque rebus ad eam per-  
tinentibus ab Recinetensis Episcopi iurisdictione exem-  
ptam in suam, sedisque Apostolicæ, & Apostolorum Pe-  
tri & Pauli tutelam recepit: Sacerdotibus Lauretanis ab-  
soluendi peregrinos à sceleribus ac flagitijs Episcopo, Se-  
dique Apostolicæ reseruatis satis amplam dedit faculta-  
tem. Posterioris quoque huius decreti procenium, in quo  
perhonorifica fit mentio Lauretanæ Domus, libet appo-  
nere, id est tale: Cum ad Ecclesiam B. Mariae de Laureto ex-  
tra muros Recanatensis ciuitatis fundatam, in qua sicut fide di-  
gnorum habet assertio, ipsius Virginis gloriose Domus, & Im-  
ago Angelico comitatu, & cætu mira Dei clementia collocata  
existit, & ad quam propter crebra, ac stupenda miracula, quæ  
eiusdem gloriose Virginis meritis, & intercessione pro singulis  
ad eam recurrentibus, & eius auxilium implorantibus cum hu-  
militate, Altissimus operatur, in dies, & in diuersis mundi  
partibus etiam remotissimis eiusdem Virginis gloriose liberati  
præsidij populi confluat multitudo: & cætera quæ sequuntur.*

Pauli II. te  
stimon. al-  
terum.

Iacobus Franciscanus ab insanabili morbo, &  
Dæmonum oppugnatione liberatur.

Cap. II.

Chro. Franc.  
lib. 6. c. 3. 4.

**P**roduntur autem quædam huius temporis non omit-  
tenda miracula. Iacobus Picens vir sanctus è Fran-  
ciscana disciplina, pariter pietate, ac doctrina clarus Euā-  
gelii præco fuit anno eius seculi circiter LXX. Hunc in-  
sanabilis morbus inuaserat, & animum ægritudo corpo-  
ris vrgebat: quippe ea mali vis erat, vt omnem iuuandi  
sacris concionibus homines spem præcideret. Ergo hu-  
mani remedii inops ad Deum Deiparamque animum, ac  
vota

vota vertit. Mox quamuis afflita valetudine, Lauretum peregrinatorum ritu venit. Virginis cellam ingressus inter sacrificandum, coeli Reginam enixe oboris lacrymis orat, ut Iesu filio propitiato, impetrat sibi corporis sanitatem; quæ sanctum eius Euangelium praedicando, multis fortasse populis saluti foret. Nec mora. oblata illi proutinus est Deiparæ species iubentis eum alia ab se petere: Nam quod peteret, esse iam datum. & Iacobus illico salutem sibi redditā sentit. Itaque gratiis B. Virgini actis, non tam suam, quam eorum, quorum saluti studebat vicem lætus, remeat domum. Nec vna hac in re B. Mariæ Lauretanæ expertus est opem. Interiectis aliquot annis, ab importunitis diabolis diu, multūque vexatus Lauretum certissimum malorum leuamentum, accurrit. Ante aram Virginis non sine animi angore, sacris operatus, expertum eius auxilium exposcit: finemque tandem orat tam molesto periculosoque certamini. Auditæ preces. Impensis oranti B. Maria se rursus ostendit. Et bono animo esto fili, inquit, ac summo rerum parenti grates agito. Adest pugnæ finis, & te cœlestis corona victorem manet. Praedictionem comprobauit euentus. Haud ita multo post fractę infestorum hostium vires: Læta repente sequuta pax: ipse deinde cœlesti præmio donandus euocatus in cælum.

*A Xysto Quarto Pont. vetera decreta cumulantur  
nouis. Cap. III.*

**N**ec Paulo Secundo Xystus Quartus Pauli successor studio ornandæ Lauretanæ Virginis cessit. Nam, & veteribus Indulgentiis addidit nouas, & Pauli immunitates sua authoritate firmatas, adiecta immunitate decumarum, auctisque Lauretanis sacerdotibus facultate dispensandi vota, cumulauit. Donationem insuper Nic-

Hier. Ang.  
Bern. Cyril.

I 2 lai